



O'G'IL BOLALAR KO'YLAGI VA KALTA SHIMINING KONSTRUKTSIYAH VA MODELLASHTIRISH QONUNIYATLARI

Axrorova Karomat Axmadovna

Marg'ilon shahar 1-son politexnikumi.

Mirzayeva Barnoxon Baxtiyorrdjanovna

Marg'ilon shahar 1-son politexnikumi.

Abduraxmonova Nodira Ne'matovna

Marg'ilon shahar 1-son politexnikumi.

Annotatsiya: Mazkur maqola o'quv amaliyoti kasb- hunar maktabining o'quvchilariga mo'ljallangan. Uslubiy ishlanmasi TTS-tarmoq ta'lim standarti talablaridan kelib chiqqan holda tayyorlanadi. kadrlar tayyorlash barcha bosqichlarida uning samaradorligini oshirish o'quv amaliyotiga oid bilimlarining salmog'iga bog'liq. Shu sababli o'quvchilarning ushbu amaliyotdan egallashi lozim bo'lgan ko'nikma va malakalarini shakllantirishga asosiy e'tibor qaratilgan. Bo'lajak ishlab-chiqarish ta'limi ustalari uchun o'quv amaliyoti mavzusi bo'yicha muhim ahamiyatga ega bo'lgan texnik shartlar texnologik talablar va yo'l -yo'riqli xarita yoritilgan. Bugungi kun talablari uchun bo'yicha zaruriy qo'llanma bo'lib xizmat qiladi.

O'g'il bolalar kiyimining formalari va modalari tobora ko'payayotganligi katta yoshdagi kishilar kiyimlarining turlari hamda formalarining ko'payishi bilan chambarchas bog'liq.


Hozirgi bolalar kiyimining asosiy sifat ko'rsatkichlaridan biri uning funktsionalligidir. Kiyimning funktsionalligi kompleks tushuncha bo'lib, kiyimning konstruktiv va estetik xarakteristikasini, unga qo'yiladigan fiziologik, sotsial va texnologik talablarini o'z ichiga oladi.



Maktab yoshidagi bolalarning kiyimlari xilma-xilligi bilan ajralib turadi. Maktab bolalarining kiyimlar garderobini maktab formasidagi o'quvchilar kiyimi bilan bir qatorda, sport kiyimlari tashkil etadi. Kundalik kiyimning turli uslubdagi formalari va qat-qatlighi bilan xarakterlanadi. Ko'proq to'g'ri bichimli tikilishi uning yeng o'miziga o'tqazib tikiladigan yoki reglan bichimli yoki kombinatsiyalashtirilgan bo'lishi mumkin, cho'ntaklar turli bo'lishi mumkin. Formalar universallashtirilishi natijasida beshta yosh guruhi o'rniga ikki guruh qoldirildi: 3 dan 12 yoshgacha va 12 dan 18 yoshgacha bo'lgan bolalar guruhlari, 12 yoshgacha bo'lgan davr modaga beparvo qaraladigan davr hisoblanadi. Bu guruhga mansub bolalarning kiyimlari qulay, shinam, maqsadga loyiq qilib tikilishi bilan birga, badiiy bezatiladi. Bu: applikatsiya, kashta, kiyimni chiroyli ko'rsatadigan rasmlar atrofdagi muhitni bilish vositalari hisoblanadi.

12 yoshdan katta bolalarning kiyimlari katta yoshdagi kishilarning kiyimlariga o'zidan o'xshatila beriladi.

Bolalar modasida yangilik, birinchi navbatda, yangi turdagi kiyim assortimentlarini ko'payishidir. Bolalar kiyimini loyihalashning asosiy yo'nalishlaridan biri-kiyimning kombinatsiyalashtirilgan formasini hosil qilish bilan birga, ayrim buyumlarning o'zaro almashuvchanligiga erishishdir.





Hozirgi kunda bolalar kiyimining yetakchi va asosiy bichimi to'g'ri bichimli kiyimdir; to'g'ri bichimning variantlari juda ko'p.

Bolalarning keng tarqalgan kiyimi formasining to'kisligi bilan ajralib turadi. Kiyimning belga yopishib turish darajasi assortiment guruhlariga bog'liq.

Hozirgi vaqtda sovuq o'tkazmaydigan material, qavilgan katta hajmli, yopishib turadigan formadagi kiyimlar keng tarqalgan.




Ularning yelka chizig'i kengaytirilgan va yengillashtirilgan. Yenglari reglan va o'tqazma bo'ladi. Yengi o'mizga o'tqazib tikiladigan kiyimning o'mizi pasaytirilgan va chuqurlashtirilgan. Koketkalari baland va kichik. Bel chizig'i tabiiy o'rnida. Bo'laklar soni-juda kam; ular maqsadga loyiq va konstruktiv xarakterda. Cho'ntaklarga turlicha ishlov beriladi;

Yakka buyumlardan iborat komplekt kiyimlarning eng ko'p tarqalgan turiga aylanmoqda; yilning fasliga, vaziyatga, qomatning o'zgarishiga va boshqalarga qarab, bu buyumlardan boshqa turdagi komplekt tuzish ham mumkin. O'g'il bolalar ko'ylagi va kalta shimi 8-9-yoshdagi bolalarga mo'ljallangan bo'lib, yoqasi o'tqazma yoqali. Old bo'lak taqilmasi plankali bo'lib, chap tarafida qoplama cho'ntak joylashgan. Ko'ylak yengi o'tqazma yeng, yeng uchi plankali. O'g'il bolalar kalta shimi beli rezinkada, yon qirqimida yon qirqimidagi qirqma cho'ntak joylashgan. Gulfik bezak chok bilan tikilgan. O'g'il bolalar kalta shimining etak qismiga planka qo'yilgan. O'g'il bolalar kiyimining chizmasini chizish uchun zarur hisoblash tartibi qo'llaniladi. Bunda hisoblash, chizma chizish va chizmani kontrol qilish bosqichlarining hammasi saqlanib qoladi. Marfologik belgilarining o'ziga



xos jihatlari hisoblash formulalarining koeffitsentlarida, erkin xadlarida, shuningdek, konstruktsiyaning turli uchastkalariga oid ustamalarda va chok haqida o'z aksini topadi. Standart jussali o'g'il bolalarning kiyimlari hamda shimlarining chizmasi va hisobi uchun kerak bo'ladigan o'lchov belgilari jadvaldan yoki «O'g'il bolalar kiyimlarini konstruktsiyalash metodikasi (SNIIGIP)» dan olinadi.



O'g'il bolalar ko'ylagi va kalta shimining konstruktsiya chizmasi



Foydalanilgan adabiyotlar ro'yxati:

1. Shavkat Mirziyoev “Milliy taraqqiyot yo‘limizni qat’iyat bilan davom ettirib, yangi bosqichga ko‘taramiz” Toshkent – “O‘zbekiston”-2018.
2. Shavkat Mirziyoev “Xalqimizning roziligi bizning faoliyatimizga berilgan eng oliy baxodir” Toshkent – “O‘zbekiston”-2018.
3. Shavkat Mirziyoev “Erkin va farovon, demokratik O‘zbekiston davlatini birgalikda barpo etamiz” Toshkent – “O‘zbekiston”-2016.
4. Shavkat Mirziyoev “Tanqidiy tahlil, qat’iy tartib-intizom va shaxsiy javobgarlik - har bir rahbar faoliyatining kundalik qoidasi bo‘lishi kerak” Toshkent – “O‘zbekiston”-2017.
5. Jabbarova M. «Tikuvchilik texnologiyasi», O‘zbekiston, 1994 y.
6. Litvinova I.N. «Ayollar ustki kiyimini tikish», Legpromizdat, 1987 y.
7. «Sehrli igna», O‘zbekiston, 1990 y.
8. Litvinova I.N., «Izgotovlenie jenskoy i detskoy verxney odejdy», Legkaya industriya, 1981 y.

Internet saytlari:

<http://www.ziynet.uz>.
<http://www.osinka.ru>
<http://ni-tochka.ru>
<http://book.t-stile.info/category>
<http://tvorim.e-gloryon.com>
<http://dizayn-omsn.narod.ru>
<http://www.krucenko.ru>
<http://dvorec-sakhalin.ru>
<http://www.liveinternet.ru>